

خزنده محاکمه

جمعه ایرتسی

نومرو	صفر	سنه	تموز	سنه	صحیفه
۷۸۱	۲	۱۳۱۲	۲۳	۱۳۱۰	۱۱۶۱۳

(اشبوغزته بهر هفته جمعه ایرتسی کونلری چیقار . سنه لکی درساعات ایچون مجیدیه یکریمی غروش)
 (حسابیله التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخه سی ینه مجیدیه یکریمی غروش اولوق اوزره یوز پاره یه هر یرده ساتیلور . درج اولنه جق)
 (اعلاناک هر برندن برمجیدیه اخذ اولنور . سنه لکمه مشتری اولوق استیانیلر عدلیه نظارتی)
 (دأره سنده کائن جریده محاکم اداره سنه مراجعت ایلملیدر)

قسم غیر رسمی

وان بدایت محکمه سندن ۹ ایلول سنه ۳۰۳
 تاریخی و او تونللی عددی ایله ویریلان اعلامک
 تمیزینی استدعا ایدن وانک اسباشین قریه سنده
 متمکن بابک اوغلی قالوص ایله مدعی علیه واند
 شعبانیه محله سنده ساکن عمر نمران اوغلی عمر اغا
 تعیین قلنان کونده دأتریه کلدکلرندن اصول
 محاکمه حقوقیه قانوننک ایکوز یکریمی طقوزنجی

ماده سی موجبجه تدقیقات تمیزیه اجرا سنه
 ابتدار قلندی .

اعلام مذکورک خلاصه مائی مومی الیه عمر
 اغا مرقوم قالوصک متوفی پدردن تفرغ ایتمش
 اولدینی قریه مذکورده واقع معلوم الحدود
 برقطعه ترلاسنه قالوص طرفندن فضولی زراعتله
 وقوعبولان مداخله نک منعی وان بدایت
 محکمه سنده طلب وادعا ایتسنه قارشو مرقوم
 قالوص ترلای مذکورده بابالری متوفادن انتقالاً
 سائر ورثه ایله برابر متصرف اولدقلرینی مدافعه

در میان ایل درت قطعه موقت علم و خبر ابراز
واعطا ایتش ایسه ده ذکر اولنان ترلانک مأموری
حضورنده مرقوم عمر اغایه متصرفلری جانبندن
فراغ اولندیغی دفتر خاقانی قیدیه ثابت اولدیغنه
مبنی مجله نك بیک یدییوز اوتوز التنجی و بیک
یدییوز اوتوز بدنجی ماده لری ایل اصول محاکمه
حقوقیه قانوننك طقسان و اراضی قانوننامه سنك
اون طقوزنجی ماده لری احکامنه توفیقاً مدعی علیه
مرقومك مذکور ترلادن منع مداخله سنه قرار
ویرلدیکندن و مستدعینك اشبو قرار علیهنده کی
اعتراضاتنك باشلوجه سی مدعا به ترلا عفار
نوعندن ایکن ذی الیدلک بالینه اثبات اولنامسی
و مشترکینك محکمه به جلب ایدلامسی مغایر قانون
اولدیغندن بخله اعلامك تقضی و مدعی علیه
نتیجه جوابی دخی حکم اعلام موافق قانون
بولندیغندن اعلامك تصدیقی طلبندن عبارتدر .

ایجابی مذاکره اولندوقده تمیز اولنان اعلام
مألندن ا کلاشلدیغی اوزره منازع فیله اولان
ترلانک مرقوم عمر اغایه مجلس اداره ده فراغ
اولندیغی کوسرلمش ایسه ده مجلس اداره جه جریان
ایدن فراغ قیدینك معامله رسمی به مقرر اولوب

اولندیغی و متصرفلرینك اولیاده اولان اوراق
رسمیه ده امضالری بولنوب بولندیغی ا کلاشلیق
اوزره لازم کلان اوراقك محکمه به جلب
و معاينه سیله تحقیقات اجرا قلندقدن صکره ذات
دعوانك تحت قراره التمسی لازم کلور ایکن
بوجهت دقیقه به رعایت اولنامسی و مجله نك بیک
یدییوز اوتوز بدنجی ماده سنده محرر قیود خاقانیدن
مراد بوندن اوچیوز سنه اول مؤتمن و موثوق
محررلر معرفتلیله تحریر اولنوب الیوم دفتر
خاقانی امانتده محزن مخصوصنده کال دقت واعتنا
ایله حفظ ایدلمکده اولوب اولوجهله شبهه تزویر
و تصدیعن سالم اولان دفا ترده کی قیود خاقانی
اولدیغی حالده بوراسنه دخی دقت اولنجه رقی طابو
قلمی قیدینك قیود خاقانیدن عدیلله ماده
مذکوریه یا کلش معنی ویرلمسی مغایر قانون
بولندیغنه بناء اصول محاکمه حقوقیه قانوننك
ایکیوز اوتوز ایکنجی ماده سی موجبجه اعلام
مذکورك تقضیه و ایکیوز قرق دردنجی ماده سنك
قره اخیره سی حکمنجه کیفیتك مجدداً رؤیتنه
وزیرده مفرداتی مرقوم درتیوز بش غروش مصارف
محاکمه نك ایلروده حقسنز چیقہ جق طرفه رجوع
ایتمك اوزره اول امرده مستدعیدن التمسنه

۲۳ شباط سنه ۳۰۴ تاریخنده متفقاً قرار
ویرلدی .

تکه تجارت محکمه سنندن ۴ کانون ثانی
سنه ۳۰۱ تاریخی و طقسان بش عددی ایل
ویریلان اعلامك تمیزی مالو قصبه سنك جامع
جدید محله سنده مقیم خطیب زاده سلیمان افندی
باعرض حال استعدا ایتدیگی حالده یوم معینه
داثریه کلدیکندن مدعی علیه تنکه سنجاغی دفتر
خاقانی قلمی باش کاتبی محمد امین افندینك ایضاحات
شفاهی سی استماع قلندقدن صکره تدقیقات تمیزی
اجراسنه ابتدار اولندی .

اعلام مذکورك خلاصه مآلی من بورسلیمان
افندی مسافره مومی الیه محمد امین افندینك
خانه سنده بولندیغی برکیجه اوینادقلری قومارده
غائب ایتدیگی اقچه مقابلنده مومی الیه محمد امین
افندی ذمتده بولان یتش التی لیرا مطلوباتی ناطق
امرہ محرر برقطعه سنندی رفیقندن سردارزاده
حاجی محمد نام کسنه به باسند ترهین ایلش و ذکر

اولنان رهن سنندی من بورمحمد طرفندن اوکیجه
اوراقی اراسندن التهرق فرداسی کونی اعاده
ایدلمش ایسه ده سالف الذکر یتش التی لیرایی ناطق
اولان سند مذکور اعاده اولندیغی کی مومی الیه
محمد امین افندی دخی دینی ایفادن امتناع ایتمکده
بولندیغندن بخله مذکور یتش التی لیرا ایل دوه
وتلکی اثمانی اولان بیک بشیوز یکریمی برغروش
مطلوباتنه محسوباً مومی الیه محمد امین افندینك
تسلیماتنك تزیلیله متبایسنك تحصیلنی طلب
و دعوی ایتش ایسه ده مدعی مومی الیه و قتیله
مذکور سنك مرتهن من بور طرفندن اعاده
اولنامسی اوزرینه بدلی ویریلور ایسه قبول
ایتمه جکنی باخطار نامه مدیون مومی الیه محمد امین
افندی به بیان و اخطار ایتسی مقتضی ایکن برهفته
صکره دعوا به قیام ایتسنه و خارج از سند ادعا
ایلدیکی تلکی اثمانندن صرف نظر ایدوب دوه
بدلتك دخی تسلیمات مذکورہ میاننده داخل
اوله رقی تأدیہ قلنمش اولدیغی تبین ایلمسنه بناء
من بور سلیمان افندینك رد ادعاسنه حکمدن
و مستدعی تمیز سلیمان افندینك اشبو قرار علیهنده
لایحه سنده محرر باشلوجه اعتراضاتی مذکور دین
ورهن سندلرینك التدیغنك فرداسی کونی جزا
محکمه سنه مراجعت و سالف الذکر دین سندينك

تقسیمه مربوط اوله رق مدتی منقضیه اولدینی
خصمتک تحت اعترافنده بولنش ایکن محکمه جه
بوراسنک نظر دقته النیه رق مسکوت عنه براغلمسی
مخالف قانون اولدیغندن بخله اعلامک نقضی
استدعاسندن ومدعی علیه محمد امین افندیکن نتیجه
جوابی دخی اعتراضات واقعه نک واهی اولدینی
بیانیه ردی وموافق قانون اولان اعلامک تصدیق
طلبندن عبارت بولنشدر .

ایجابی لدی المذاکره اعلام مذکور مطالعه سندن
اکلاشلدینی اوزره دعوی واقعه اثنای لبعده
ترهین ایدیلان سنک حای اولدینی اقیچه نک
تحصیلی طلبندن عبارت اولسنه نظراً دعوی
مذکوره نک حین رؤیت و محاکمه سنده سنک
مذکوری ارتهان ایتدیکی بیان اولنا سردار زاده
حاجی محمدک دخی حاضر بولندیر یله رق امر
استجوابنک اجراسیله تبیین ایده جک حاله کوره
کیفیتک تحت حکمه النمی مقتضی ایکن محکمه
مذکوره جه بو دأره قانونیه ده اجرای معامله
اولنامسی نقصانی تدقیقاتدن معدود اوله رق
مخالف قانون کورندیکنه بناءً اصول محاکمه
حقوقیه قانون موقتک ایکوز قرق برنجی ماده سی
موجبجه اعلام مذکورک تفضیله قانون مزبورک

وان بدایت محکمه سندن ۱۳ ایلول سنه ۳۰۶
تاریخی و یوز اوتوز یدی عددی ایله ویریلان
اعلامک تمیزی مالیه خزینة جلیله سنه اضافتله
وان ولایتی دعوی وکیلی بهاء الدین افندی طرفندن
باعرض حال استدعا قلمش و یوم معینده خزینة
مشار الیها جانبندن رشید افندی وکالة دائریه
کلش ایسه ده مدعی علیه وانه تابع ابرین قریه سنده
مقیم سپاهی اوغلی تیموراغا کلدیکنندن یالکر وکیل
مومی الیهک ایضاحات شفاهیله سیله باش مدعی

عمومی معاونلرندن سعادتلو یورغاکی افندیکنک
مطالعه سی استماع قلمدقدن صکره تدقیقات تمیزیه
اجراسنه ابتدار اولندی .

اعلام مذکورک خلاصه مالی مرقوم تیمور
اغانک اون بیک غروش بدل ایله اوچوز درت
سنه سنه محسوباً درعه ده والتزام ایلدیکی ابرین
قریه سنک حاصلات عشریه سنک نصفی آفات
سماو یه دن تلف اوله رق متضرر اولدیغندن بخله
واقع اولان ضررینک بدل التزامدن تزیلی حقنده
اقامه ایلدیکی دعوانک ردینه دائر محکمه
مذکوره دن اولجه صادر اولان اعلام اسباب
قانونیه دن طولانی تمیزاً نقض ایدلمسی اوزرینه
بتکرار محکمه مذکوره جه جریان ایدن محاکمه
وتدقیقات نتیجه سنده قریه مذکوره محصولاتنک
آفات سماو یه دن قسماً تلف اولدینی اولب ابد
کشف ناجی جانبندن اعطا اولنان راپور مندرجاتیله
ثابت اولدینی جهتله اعشار نظامنامه سنک قرقچی
ماده سی حکمنه توفیقاً اون بیک غروشدن عبارت
بولنان التزامدن ضرر واقعه تقدیر ایدیلان اوچ
بیک بشیوز غروشک تزیلنه حکمدن ومستدعی
تمیز خزینة مشار الیها وکیلی رشید افندیکنک
اشبو حکم علیه ده باشلوجه اعتراضاتی بدل التزامدن

تزیلات اجرامی حاصلات عشریه نک مقدار
کلیسی استحصال اولنه میهرق ملتزمک فوق الحد
ضرره اوغراسیله مشروط اولدینی حالده
محکمه جه بوراسننه دقت ایدلیهرک بروجه محرر
حکم اولنمی مخالف قانون اولدیغندن بخله اعلام
مذکورک نقضی استدعاسندن ومدعی علیهک
لایحه سنده محرر نتیجه جوابی حکم اعلامک موافق
قانون اولدینی بیانیه تصدیق طلبندن ومعاون
مومی الیهک مطالعه سی دخی نقضی متمضن مقدما
محکمه تمیزدن لاحق اولان حکم موجبجه طرفینک
محاکمه لری بالا اجرا اهل وقوف جانبندن تنظیم
اولنان راپور موجبجه خسارات بدلتک تزیلنه
قرار ویرلمش اولسنه مبنی اعتراضات واقعه نک
موافق قانون کوریه مدیکی بیانندن عبارت
بولنشدر .

ایجابی مذاکره اولندقدن اعلام مذکور
مألندن اکلاشلدینی اوزره مرقوم تیموراغانک
التزام ایلدیکی ابرین قریه سی اعشارندن آفات
سماو یه تأثیراتیله تلف اولان مقداری ایچون
تقدیر ایدیلان اوچ بیک بشیوز غروشک بدل
التزامدن تزیلنه قرار ویرلمش ایسه ده اعشار
نظامنامه سنک قرق نتیجه ماده سنده کوسترلیدیکی

وجهه بومثلو بدل التز آمدن تنزیلات اجرایی
حاصلات عشریه نك مقدار کلیسی استحصا
اوله میهرق ملتزمك فوق العاده متضرر اولمسیله
مشروط اولوب حالبوکه تلف اولان حاصلات
ایچون تقدیر ایدیلان اوج بیک بشیوز غروشك
اصل التزام بدلی اولان اون بیک غروشه نسبتله
جزئی کورلسنه منی ملتزم مرقومك بوجه محرر
تنزیل بدل ادعاسنه صلاحیتی اوله میه جفی درکار
بولندی حالد محکمه مرقومه جه ماده مبحوث عنها
حکمی نظر دفته التمهیرق برمنوال مشروح قرار
ویرلسی اصول و قانونه مغایر و مستدعی تمیز
خزینة مشار الیه وکیلک اعتراضی موافق
نفس الامر اولوب معاون مومی الیهک مطالعه سی
غیر وارد کورندیکندن اصول محاکمة حقوقیه
قانوننک ایکوز اوتوز ایکنجی ماده سی موجبجه
اعلام مذکورک نقضیه قانون مزبورک ایکوز
قرق دردنجی ماده سی حکمنه توفیقاً کیفیتک صور
مشروحه دائره سنده یکیدن بالرؤیه اعلامه ربطی
ضمننده محکمه مذکوره به اعاده سنه وزیرده
مفرداتی مرقم اوجیوز قرق طقوز یحق غروش
مصارف محاکمه نك ایلروده حقسز حقیقه جق طرفه
عائد اولق اوزره اول امرده مستدعی تمیز
خزینة مشار الیهان اخذینه ۳۰ تشرین ثانی

سنه ۳۰۸ تاریخنده متفقاً قرار ویریلرک
تفهیم قلندی .

جبل لبنان استیناف محکمه سنمن ۲۲ تشرین ثانی
سنه ۳۰۴ تاریخ و طقسان ایکی عددی ایل
وبریلان اعلامک تمیزینی جزین قضای اهلایسندن
داور الحوری الیاس ایله خواجه حبیب الحوری
طانبوسی باعرضحال استدعا ایتدکاری حالد
یوم معینده دائره به کمدکنرندن یالکر میزعلیه قضاء
مذکورده مقیم خواجه اسعدالاسمرکرم وکیلی
مفردیج اساسیان افندی نك ایضاحات شفاهی سی
استماع اوله رق تدقیقات تمیزیه اجراسنه
ابتدار قلندی .

اعلام مذکورک خلاصه مالی مزبور
اسعدالاسمرک زوجه سندن شراء باسند متصرف
اولدینی شیخا قریه سنده کائن معلوم الحدود اراضی
داخلنده نبعان ایدن صودن کنندی ترالارینی
سقی ایتک اوزره مزبوران داود وحبیب الحورینک
وقوعه کلان مداخله لرینک منعی شوف بدایت

محکمه سنه مراجعتله دعوی ومدعی علیهما دخی
منازع فیسه اولان محاک جزین قضای داخلنده
اولدینی جهتله محکمه مذکوره نك رؤیت دعوا به
صلاحیتدار اولدینی انبایتملرندن ناشی بوراسنک
تحقیقی ضمننده جانب محکمه دن مأموراً محلته اعزام
اولنان نائب حضورنده مدعی علیهما دن خواجه
داود محل منازع فیهک شیخا قریه سی اهلایسیله
بیلرنده مشاع و مشترک اولدینی بسط و اتیان
و خواجه حبیب ایسه محل مذکورک مشاع
اولوب قننی قضایه تابع اولدینی بیلمدیکنی
و کندولرینک من القسیم ماء مذکور ایل
اراضیلرینی سقی ایتدکده اولدیلرینی درمیان ایلمش
اولدیلر مأمور مومی الیه جانبندن تنظیم واعطا
قلنان تقریر مألندن اکلاشلمش اولسی اوزرینه
مدعی علیهما وکیللری مذکور صو منعی
موکلرینک ملککری اوله رق مذکور صودن
مستقلاً اراضیلرینی سقی ایتدکده بولندیلرینی
مدافعة درمیان ایتش ایسه ده مدعی علیهما نك
کشف نای حضورنده ماء مذکورک شیخا قریه سی
اهلایسیله مشاع و مشترک اولدینی اقرار ایتدکن
صکره وکیللرینک اشبو صو منعی موكلرینک
ملك مطلق صورتیله عهده تصرفلرنده اولدینه
دائر درمیان ایلدیکی افاده سی موجب تناقض

اولدینی بیانیله مجله نك بیک التیوز الی ایکنجی
ماده سی موجبجه مذکور صو ایله منعی حقنده
مدعی علیهما نك معارضه لرینک منعه دائر بدایة
صادر اولان اعلامک عندالاستیناف تصدیقنه
حکمدن و مستدعی تمیزلرک اشبو حکم علیهده
لایحه لرنده محرر باشلوجه اعتراضاتی درجه اولی
محکمه سنده کندولری عدم صلاحیت دعواسی
درمیان ایتش اولدیلر حالد بدایة واستینافاً
مدعی عمومینک حاضر بولندیرلماسی و صویک
بولدینی محاک مشاع اولسی صو ایله مجراسنه
تصرف ادعارینه مانع اوله مزایکن بونک موجب
تناقض عدیه دعوالرینک عدم استماعنه قرار
ویرلسی یولسز و مغایر قانون اولدیلرندن بخله
اعلام مذکورک نقضی استدعاسندن و میز علیه
وکیلی مفردیج افندی نك نییجه جوابی دخی اعلام
استینافینک موافق اصول و قانون اولدینی بیانیله
تصدیق طلبندن عبارت بولمشدر .

ایجابی مذاکره اولندقدده اعلام مذکور
مألندن مستبان اولدینی اوزره بدایة مدعی علیهما
طرفندن منازع فیسه اولان صو منعیک مشاع
و مشترک اولدینی حقنده کشف نای حضورنده
سبق ایدن اقرارلری ایل وکیللرینک مذکور

منبعك ملك مطلق صورتيله مؤكلار ينك عهدۀ
تصرفلرنده اولديغنه دائر واقع اولان افادهسى
يئىنده تناقض كورنمسه مبنى مرقومانك معارضه -
لرينك منعه دائر صادر اولان قرار ابتدائىنك
عندالاستيفاف تصديقه حكيم اولنمش ايسه ده
مدعى عليهلارك حين كشفده مذكور صو حقه
وقوعه كلان مشاع واشترك افاده لرينى مناقض
اوله رق وكيلا رينك درميان ايله كلارى تمامى
تصرف ادعاسى فى الحقيقه قانوناً مسموع اولموب
انجق اشبو تناقض يالكىز وكيلا مطلق وتمامى
تصرف ادعاسنك عدم استماعنى موجب اولوب
يوقسه موكلارك مشاع دعوالرينك استماعنه مانع
اولميه جفته نظراً محكمه جه دعواى مبحوث عنهانك
رؤيته ابتدار ايله اول امرده مدعى عليهلارك
صويك نبعان ايلديكى شيجا قريهسى حدودى
داخلنده اراضيسى اولوب اولدينى تحقيق اولدقدن
صكره مدعينك مذكور صو حقه كى استقلال
دعواسنك اثبات ايتديرلمسى واثبات ايده مديكى
صورتده مدعى عليهلارك افاده لرى وجهله مشتركاً
حق سقيلرى اولديغنه حكيم اعطاسى لازم كلور
ايكن محكمه مرقومه جه بورالرينه دقت ايلديهرك
تناقض سبيله معارضه نك منعه دائر بدايه ويريلا ن
اعلامك تصديقه قرار ويريلى يولسز وقانونه

مقابر ومستديرك اعتراضى دخى بوجهته متدائر
اوله رق موافق نفس الامر بولنديغنه بناء اصول
محكمة حقوقيه قانونك ايكوز اوتوز ايكىنجى
مادهسى موجبجه اعلام مذكورك تقضييله قانون
مزبورك ايكوز قرق دردنجى مادهسى حكيمه توفيقاً
كيفيتك صورت مشروحه دائره سنده يكيدن بالرؤيه
اعلامه ربطى ضمننده محكمه مذكوريه اعاده سنده
وزيرده مفردانى مرقوم درتيوز اون بش غروش
مصارف تميز يه نك ايلورده حقسز چيجه حق طرفه
رجوع ايتك اوزره اول امرده مستدعى تميزلردن
التمسه ۲۰ شباط سنه ۳۰۷ تاريخنده متفقاً قرار
ويريلهرك تفهيم قلندى .

قسطنونى بدايت محكمه سندن ۱۲ شباط
سنه ۳۰۶ تاريخى وطقسان برعه ده ايله ويريلا ن
اعلامك تميز نى استدعا ايدن نفس قسطنونى به
تابع كول ناحيه سنك اجوش قريه سنده مقيم يكي
قوشو اوغلى مصطفى اغا يوم معينده دائره يه كلهرك
ميز عليهم قسطنونيك بدرغازى محلهسى اهايا سندن

متوفى باقرجى صالح اوسته ورثه سندن اوغلى امين
و زوجةسى سمادت و قزى شريفه خاتونلر
كلدكلرى كى جواب لايحهسى دخى كوندردمدكلرندن
يالكىز مرقوم مصطفى اغانك ايضاحات شفاهيهسى
استماع قلندقدن صكره تدقيقات تميزيه اجرا سنده
ابتدار اولندى .

اعلام مذكورك خلاصه مالى ورثه مرقومه نك
مورثلرى متوفى صالح اوسته نك حال حياتنده
مرقوم مصطفى ذمتنده بر قطعه سندن موجبجه
مطلوبى بولنان ايكوز اللى سكر عدد سيم مجيديه نك
تأمين استيفاسى ضمننده التى قطعه اراضيسنه وضع
ايتمش اولدينى جزك تصديقى و محجوز اراضينك
فروختيله اتمان حاصله سندن الاجفتك مع فائض
تحصيلانى طلب ودعوى و سندن مذكورى ابراز
واعطا ايتمسه قارشو مدعى عليه مصطفى اغا دخى
مدعى متوفى صالح اوسته يه قائمه اقچه اولمق اوزره
يدى بيك غروش بورجى اقرار ايله برابر مبلغ
مذكوره مقابل مدعى ينده بهر قيهسى قائمه اقچه
ايله يوز قرق سكر غروشدن يوز اوتوز درت قيه
تفتيكي مرهون بولنمش و ذكر اولنان تفتيكل
مدعى طرفندن صاتلمش اولدينى جهتله بهر قيهسى
صاغ اقچه ايله قرق غروشدن محسوب ايده جكنى

بيسان ايتمش ايكن رؤيت حساب اولنه ميوب
شمدى ايسه سالف الذكر تفتيكل بهر قيهسى يوز
قرق سكر غروشدن بورجيه محسوب ايلديكى
تقديرده مدعى مرقوم ذمتنده مطلوبى ظهور
ايده جكنى مدافعه درميان ايدرك سندن مذكور
ايله زيرنده موضوع مهر نى كلياً انكار ايتديكى
كى مدعى مرقوم دخى بويله بر تفتيكل مرهون
اولدينى انكار ايتمى اوزرينه مدعى عليه مرقوم
اشبو ادعاسى اثباتدن اظهار عجز ايله تحليف
ايدلمش ايسه ده اول امرده مدعى طرفندن سندن
مذكورك اثبات مضمونى ضمننده امر محكمه نك
تعليق اولنديكى كونده مدعى عليه مرقوم مصطفى
اغانك ورود ايتماسنه مبنى وكيلا مسخر حضوريله
استماع شهود اولندقدن صكره جريان ايدن
تدقيقات نتيجه سنده منازع فيه اولان سندن زيرنده
موضوع مهر مرقوم مصطفى اغانك مهرى
اولدينى كى حاوى اولدينى اقچه دخى ذمتنده
دينى بولنديغنى استماع اولنان شهودك شهادت
واقع ليله نيين ايتمسه مبنى محله نك بيك سكر يوز
اون سكر نجي و اصول محكمه نك ايكوز طقسانسجى
ماده لرى موجبجه مبلغ مدعا بهك جديد مراجحه
نظامنامهسى موجبجه مع فائض بالغ اولدينى طقوز
بيك سكر يوز طقسان غروشك مدعى عليه

معامله قانونیه نك اجراسيله نتیجه حاصله کوره برقرار ویرلمسی قانوناً مقتضی اولدینی حالد بوجهت حقنده کی ادعایک دخی نتیجه قانونیه سی استحصال قلمامسی واثای محاکمه ده حجز واقع حقنده جریان ایدن معامله نك نه دن عبارت اولدیغلك متن اعلامده کوسترلماسی اصول وقانونه مغایر و مستدعی تمیزك اعتراضاتی دخی بوجهتله متدائر اوله رق موافق نفس الامر بولنش اولدیغندن اصول محاکمه حقوقیه قانوننك ایکوز اوتوز ایکنجی ماده سی موجبجه اعلام مذکورك تقضیه قانون من بورك ایکوز قرق درنجی ماده سی حکمه توفیقاً کیفیتك صور مشروحه دائره سنده یکیدن بالرؤیه اعلامه ر بطی ضمنده محکمه مرقومه به اعاده سنه و مستدعی تمیز مصطفى اغانك بیقدرت اولق حبسیله صورت وقیدیه وتبلیغ خرچلرندن معاف طوبیله رق زیرده مفرداتی مرقوم یوز التمش طقوز یحق غروش مصارف سائر نك ایلروده حقسنز حقیقه حق طرفه رجوع ایتمك اوزره اول امرده مستدعی مرقومدن التمسنه ۱ مارت سنه ۳۰۹ تاریخده متفقاً قرار ویرلدی .

مرقومدن تحصیلیه حجز موضوعك تصدیقه قرار ویرلدیکندن و مستدعی مصطفى اغانك اشبو حکم علیه بنده لایحه سنده محرر باشلوجه اعتراضاتی مهری انکار اولنان سند حقنده شهود استماعی قانوناً جائز اولیوب اهل خبریه حواله سی لازم کلور ایکن خلاف قانون شهود استماعیه برابر کندوسنك رهن ادعاسی حقنده خصمه بر یمن ویرلماسی و عندالحاکمه حجز ادعاسی حقنده جریان ایدن معامله نك اعلام یمن بهده مفصلاً درج و تئیق قلمامسی مغایر قانون اولدیغندن بحثله اعلام مذکورك نقضی استدعاسندن عبارت بولمشدر .

ایجابی لدی المذاکره اعلام مذکور مألندن منفهم اولدینی اوزره مستند ادعا اولان سند زیرنده موضوع مهرک مدعی علیه طرفندن انکار اولنش اولسنه نظراً سند مذکور حقنده تدقیق خط وخاتم قاعده سنه توفیقاً اهل خبریه معرفتیه اجرای تدقیقات اولنسی اقتضا ایدرایکن محکمه جه برکونه معامله تطبیقه اجرا قلمه سزین سند مذکور و حاوی اولدینی دین حقنده شهود شخصیه استماعیه شهادت واقعه به بنای حکم ایدلمسی ورهیتی ادعا اولنان تفتیکک مدعی یدنده مرهون اولوب اولدیغلك بالتدقیق مدعی علیه طرفندن اولبابده تکلیف اولنان یمن اوزرینه اقتضاییدن

خداوندکار استیناف محکمه سند ۲۲ مایس سنه ۳۰۰ تاریخی و سکر عددی ایل ویریلان اعلامك تمیزاً تدقیقی استدعا ایدن اسکیشهر قصبه سنده مقیم یانیلی زوی وکیلی طناش افندی ایل مدعی علیه نظامیه خزینه سی وکیلی رشید افندی یوم معینه دائره به کلدکلرندن ایضا حات شفاهیله یله باش مدعی عمومی معاونلرندن سعادتلو یورغا کی افندیك مطالعه سی استماع قلندی .

اعلام مذکورك خلاصه مالی اسکیشهر قضاسی داخلنده چفته لر چفتك هایونی داخلنده کائن دکرمن بدل ایجارندن طولانی مرقوم یورکی زوی ذمتنده خزینه مشار البهانك الاجبی اولان یوز یکرمی کله ذخیره نك بهر کله سی الیشر غروشدن اثمانی بولنان التی بیک غروشک تأمین استیفاسی ضمننده مدیون مرقومك معلوم الجنس والمقدار حیواناتی تحت حجزه الیشر اولدیغندن حجز موضوعك تصدیقیله مبلغ مدعا بهک تحصیلنی چفتك مذکور مدیری فهمی بك اسکیشهر بدایت محکمه سنده دعوی و مرقوم زویینك امضاسی و اوزرنده ترکجه اوله رق یوز سکسان کله انباردن یوز یکرمی کله دکرمندن که جماعاً اوچیوز کله ذخیره التدیغه دائر قیدینك اجرا

قلندی شرحی حاوی رومی العبارة برقطعه علم وخبر ابراز واعطا ایلسنه قارشو عندالحاکمه مدعی علیه مرقوم دخی انکار کیفیت ایلمسندن و مبرز علم وخبرده سهو و نقصان کورلمسندن طولانی چفتك مذکور دفاتری معاینه ایدلدکن صکره جریان ایدن محاکمات و تدقیقات نتیجه سنده مذکورالمقدار ذخائرک مدعی علیه مرقوم یورکینك ذمتنده اولدینی قیوداتله ثابت اولدیغندن مبلغ مذکورك تحصیلنه دائر محکمه مذکورده دن صادر اولان اعلام حکمنه مرقوم یورکی عدم قناعتله استیناف دعوی ایدرک کندوسنك اساساً التمش اولدینی ذخیره یوز یکرمیسی دکرمندن و التمش انباردن اولق اوزره یوز سکسان کله دن عبارت اولوب بونك دخی تسلیم ایدلیدیکی افاده وانبا ایتمش ایسده مبرز علم وخبر تاریخده مرقوم زوینك انباردن یوز سکسان کله ذخیره الهرق دکرمن بدل ایجارندن یوز یکرمی کله دینی دخی ایراد و مصرف ایدلیدیکی چفتك مذکور مدیریتی وکیلنك جمله ادعاسندن بولنسنه و محکمه استینافیه جه استماع قلنان شهودك شهادت واقعه لرینه نظراً مرقوم زوینك مبرز علم وخبر تاریخده انباردن یوز سکسان کله ذخیره الدینی درجه ثبوت وارش اولدینی کی دکرمندن یوز یکرمی کله

ذخیره الدینی دخی محاکمه استینافیه اشاسنده
سبق ایدن اقراریه تحقق ایتش اولدیفنه بنساء
مذکور یوز یکریمی کیله حظه نك اثمانی اولان
اللی بیک غروشك تحصیله حکمدن ومستدعی
تمیز زونی وکیلی طناش افدینك اشبو حکم علیه کی
اعتراضاتك باشلوجه سی محکمه استینافیه جه اعلام
ابتدائی فسخ ایدلنکسین اساس دعوانك رؤیتنه
ابتدار ايله شاهد استماع اولغسی وشاهدلرک کندو
فعانه اولان شهادتلرینك قبول ایدلمسی مغایر قانون
اولدیفندن بحثله اعلامك تقضی استدعاسندن
ومدعی علیه خزینه مشار الیها وکیلی رشید
افدینك نتیجه جوابی دخی دعوی واقع شاهد
واقرار ايله درجه ثبوت ایشال ایدلمش اولدیفندن
اعتراضات مسروده نك ردیه اعلام استینافینك
تصدیق طلبندن ومعاون مومی الیهك مطالعه سی دخی

مابعدی وار

۲ علان

صدیقہ خانك خانه سندن وقوعبولان سرقتدن
طولانی مظنون علیهم اولنلردن سابقه لی اولوب
۹ مازت سنه ۳۱۰ تاریخده متفرقه قومیسری
معرقیله تحت کفالتہ النهرق وادی فرارده بولنان
اورته بویلی الا کوزلی قره قاش وصاچلی صاری
بیقلی سیوری چکلی متاسب اغز و برونی آچیق
النلی یکریمی درت یاشنده ادرنه لی اولوب برسنه
مقدم درسعادت کله رک چوبان چاوش محله سنده
سابق بدستان کتخداسی احمد افدینك خانه سنده
مسافره مقیم رجب بن حسینك فعل مذکور
جرات ایلدیکی اکلاشلمش و سابقه لی بولغسینه
مبنی قانون جزانك یوزسکرنجی ماده سی منظوقیجه
معامله اولغق اوزره حرکتی قانون مذکورک
ایکیوز یکرمنجی ماده سی حکمنی مستلزم افعال
جنایه دن بولندیفندن اصول محاکمات جزائییه
قانوننك باب رابعنك فصل ثانیسنده محرر مواد
احکامنه توفیقاً درسعادت جنایت محکمه علیه سنده
محاکمه سی اجرا اولغق اوزره جنایتله اتهامه قرار
ویرلدیکندن متهم مرقوم هر زرده کوریلور ایسه
طوتیلوب محکمه مذکور توفیقخانه سنه تسلیمی

لازم کله چکی بالجله ضابطه عدلیه مأمورلرینك
معلومی اولغق اوزره اشبو اخذ وکرفت
مذکور سی درسعادت هیئت اتهامیه سندن بالتنظیم
اعطا قانندی .

فی ۱۳ تموز سنه ۳۱۰

غیاثیه سی بالا اجرا حقوق مدنیه دن اسقاط واموالی
جز ایدیله چکی وکندوسنك بوبابده دعوی
اقامه سنه حق اوله میه جنی کی بولندیفنی محلی بیلنلر
خبر ویرمه و بالجله ضابطه عدلیه مأمورلرینك
مرقومی طوتقه مجبور اولدقلری بیانیه اعلام
کیفیت اولنور .

فی ۱۵ تموز سنه ۳۱۰

باشا قریه سیله قایماس طانغی جوارنده قورت
طوغمش قریه سی سواری مفتشی حسن اغایی جرح
ومستان اغایی قتل ایتلرندن طولانی متهم وموقوف
بولنان پاولیکان اوغلی استاوریله اپوستولک
رققاسندن اولوب فرارده بولغسی جهتیله اوصاف
واشکالی مضبوط اولمیان شیله یکی کوپلی استاوری
الآن الده ایدیله مامش اولدیفندن اصول محاکمات
جزائییه قانوننك اوچیوز یتش برنجی ماده سنه
توفیقاً وتاریخ اعلاندن اعتباراً فراری مرقومه
مقام ریاسندن اون کون مهل ویرلمش اولغله
مدت مذکور ظرفنده محکمه یه کلدیکی تقدیرده
قانونه اطاعت ایتماش نظریله باقیله رق محاکمه

دره اوبه قریه لی قره چور احمد اوغلی
مصطفانك کیفیت قتلندن طولانی مظنون علیه
اولوب غیرموقوف بولنان لایسکی قضاسنه تابع
جام یوران قریه سی اهالیسندن اورته بویلی مدور
یوزلی قیرصقاللی آچیق قاشلی الا کوزلی الی سکر
یاشنده قوجه اسماعیل اوغلی حاجی شعبانك فعل
مذکور جراتی اکلاشلمش و حرکتی قانون
جزانك یوز یتشنجی ماده سی حکمنی مستلزم افعال
جنایه دن بولندیفندن اصول محاکمات جزائییه

قانونك مواد مخصوصه سی احكامنه توفيقاً قلعه
سلطانيه بدایت محكمه سی جزا دائره سنده
محاكمه سی اجرا اولمق اوزره جنایتله اتهامه
قرار ویرلدیکندن مرقومك هر زرده کوریلور
ایسه طوتیلوب محكمه مذکوره توقیفخانه سینه
تسلیمی لازم کله جکی بالجله ضابطه عدلیه
مأمورلرینک معلومی اولمق اوزره اشبو اخذ
وگرفت مذکوره سی درسعادت هیئت اتهامیه سندن
بالتنظیم اعطا قلندی .

فی ۱۸ تموز سنه ۳۱۰

صوفه و بر مطبخ وارقه جهتنده مشترک بر مقدار
بفجه بی شامل مکرر یدی نومرولی خانه نک نصف
حصه شایعه سنک تاریخ اعلانن اعتباراً اون
بش کون صکره بالمزایده فروخته تشبث اولنه جفی
درسعادت اعلامات نظامیه اجرا دائره سندن
اعلان اولنور .

فی ۱۸ حزران سنه ۳۱۰

از مراغه خاتونك ماریه خاتون ذمتنده
تراخومه ونفقهدن طولایی بطریقخانه دن ویریلان
۳ نیشان سنه ۱۸۸۹ تاریخی قرارنامه موجبینجه
الاجفی اولان مبالغ معلومه نک تأمین استیفاسی
ضمننده مدیونه مرقومه نک عهده سنده اولوب
محجوز واسکدار حقوق دائره سندن ویریلان
۲۵ رجب سنه ۳۱۱ و ۲۰ کانون ثانی سنه ۳۰۹
تاریخی اعلام ایله فروختی محکوم بولن قاضی
قریه سنده جعفر اغا محله سنده کل زقاغنده واقع
مکرر اون یدی نومرو ایله مرقم اخشاب ایکی
باب خانه بوندن اقدام مزایده به قونیلورق لیرای

ابراهیم افندیك حاجی محمود افندی ذمتنده
با اعلام محکوم به الاجفی اولان معلوم المقدار
مبالغك تأمین استیفاسی چون مدیون مومی الیهك
عهده سنده اولوب تحت ججزه الثان ایاصوفیه کبیر
محله سنده موقتخانه سوقاغنده واقع فوقانی و تحتانی
درت اوطه وایکی صغیر صندوق اوطه سنی وایکی

عثمانی یوزغروشدن بری یکر می یدی بیک غروش
ودیکری یکر می بش بیک غروش بدل ایله طالبی
اوزرنده تقرر ایتیش اولدیغندن یوزده بش ضمیمه
بوندن دهها زیاده طالب اولنلرک اشبو تاریخ
اعلانن اعتباراً اوتوز بر کون ظرفنده درسعادت
اعلامات شرعیه اجرا دائره سینه مراجعت ایلملری
ومدت مذکوره ختامندن صکره مذکور خانلر
تقرر ایده جک بدللری ایله طالبی عهده سینه معامله
فراغیه سی اجرا قلنه جفی دائره مذکوره دن
اعلان اولنور .

فی ۱۹ تموز سنه ۳۱۰

متوفی محمد کامل بك ورثه سنك صالحه نام دیگر
ابروکال خاتم ذمتنده محكمه تقیتشدن ویریلان
۹ شوال سنه ۳۰۴ تاریخی برقطعه ادانه حجتی
موجبینجه الاجلری اولان مبالغ معلومه نک تأمین
استیفاسی ضمننده مدیونه مومی الیهانك عهده سنده

اولوب وکالت دوریه ایله مرهون و فروختی محکوم
بولنان ایوبده اسکله باشنده بر بر دکانی دروننده
موجود بر بر کدکی اوچ سهم اعتباریه بر بچق
سهم حصه شایعه سنک اشبو تاریخ اعلانن اعتباراً
اون بش کون صکره فروخته تشبث اولنه جفندن
طالب اولنلرک پی سورمک و بوندن دهها زیاده
معلومات المقی استیانلرک مدت مذکوره ختامندن
صکره درسعادت اعلامات شرعیه اجرا
دائره سینه مراجعت ایلملری دائره مذکوره دن
اعلان اولنور .

فی ۲۰ تموز سنه ۳۱۰

متوفی کامل بك ورثه سنك تبعه دولت
علیهك روم ملتی نسوانندن معدالتی ذمتنده
محكمه تقیتشدن ویریلان ۱۰ جمادی الاولی
سنه ۳۰۸ تاریخی برقطعه بحت شرعیه موجبینجه

الاجقلى اولان مبالغ معلومه نك تأمين استيفاسى
ضمننده مديونه مرقومه نك عهده سنده اولوب
وكالت دوريه ايله مرهون وفروختى محكوم بولنان
قاضى قريه سنده جعفر اغا محله سنده واقع كار كير
بر باب ملك متلك اشبو تاريخ اعلاندن اعتباراً
اون بش كون صكره فروخته تشبث اولنه جفندن
طالب اولنلرك پي سورمك و بوندن دها زياده
تفصيلات المقي استيانلرك مدت مذكوره ختامندن
صكره درساعات اعلامات شرعيه اجرا
دائرة سنه مراجعت ايلملرى دائرة مذكوره دن
اعلان اولنور .

في ۲۰ تموز سنه ۳۱۰

مديونه مومي اليهانك عهده سنده اولوب مرهون
وفروختى محكوم بولنان قاضى قريه سى جوارنده
قزىل طوبراق نام محله حاجى مصطفى افندى
محله سنده شمندوفر جاده سنده كائن سلطان سليم خان
وقفندن مقاطعه لو و درونده ايكي باب كوشكى
مشمتمل انيه وكروم واشىجارى ملك برقطه
باغك اشبو تاريخ اعلاندن اعتباراً اون بش كون
صكره فروخته تشبث اولنه جفندن طالب اولنلرك
پي سورمك و بوندن دها زياده معلومات المقي
استيانلرك مدت مذكوره ختامندن صكره درساعات
اعلامات شرعيه اجرا دائرة سنه مراجعت ايلملرى
دائرة مذكوره دن اعلان اولنور .

في ۲۰ تموز سنه ۳۱۰

متوفى كامل بك ورثه سبك خديجه خانم
ضمننده محكمه تفيشدن ويريلان ۱۴ ج سنه ۳۰۳
تاريخلى برقطه ادانه حجتى موجب حجه الاجقلى
اولان مبالغ معلومه نك تأمين استيفاسى ضمننده

(مطبعة عامر ده طبع اولنشد)